

欽定剿平粵匪方略

欽定剿平粵匪方略卷二百三十四 庚申年

三月二十二日

丙戌

漕運總督袁甲三安徽巡撫

翁同書奏言二月十六日烏衣賊目糾合腰鋪

逆衆萬餘兩路抄襲直撲滁州圍繞東西北三

門副將李世忠等登陴固守至申刻後料知來

安援兵將到遂撥馬步山東西二門齊出賊亦

兩路抵拒李元忠自來安帶隊趕到由東路奮

勇夾擊全福指揮馬隊從旁截勦該逆腹背受敵東路一股先潰西路亦踉蹌奔逃我軍跟殺二十餘里次日該逆復糾大股在城外搶築營壘十三座李世忠等左右出擊該逆列陣迎拒李元忠首先接仗所向披靡斃賊不計其數該逆退伏營壘堅匿不出朱元興由三界石壩帶隊馳到協力圍攻焚燒賊營賊眾大亂我軍乘

勢擁八踏毀賊壘十三座斃賊一千餘名跟蹤
追至烏衣賊復分路抵拒李世忠遙望賊之後
營旗幟稀少卽派蔣立功等由後路抄殺賊勢
不支紛紛敗潰後面東西賊營盡毀前營之賊
驚惶無措殺斃生擒無一得脫烏衣賊營六座
一律踏平其腰鋪賊營相距甚近李元忠等分
兵前進半途適與賊遇乘勢兜剿追至賊營該

逆繞營而奔又將腰鋪賊營七座全數平毀小店之賊聞各處賊營全破盡退入全椒縣城內賊黨唐嬉菁情願投誠作爲內應我軍大隊進至東門營邊分作三路攻擊一路攻城兩路攻營以杜接應內應火起倒戈相向該逆自相殘殺我軍兩邊夾擊登時將營內股匪盡行殲殪李顯發首先登城李元忠等相繼而進我軍遂

由東門一擁而入殺斃賊匪無算二十三日立將全椒縣城克復餘賊歸入南門外營盤乘勝跟追又將南門賊營八座一律踹毀先後斃賊五六千人生擒千餘人收撫降衆二千餘人在事員弁著有勞績相應先行開列懇

恩獎勵奏入

上諭內閣曰逆匪圍撲滁州官兵夾擊大勝並克復全

椒縣城實屬異常出力總兵李世忠著俟升補總兵
後遇有提督缺出題奏直隸州知州李元忠著免選
本班以知府記名請旨簡放並賞給伊德格木濟巴
圖魯名號遊擊朱元興著以參將補用並賞加副將
銜蔣立功著免補遊擊以參將補用並賞加副將銜
千總劉士貴著免補千總以守備補用並賞換花翎
李昭宸著免補千總以都司補用都司李顯發著免

所部不下四五千。人自景德鎮取道入浙計程較近。以之赴援。自可先聲奪人。已於二月二十八日一律起程。至饒州緊接皖南。雖建德已復。而池州青陽等處。鄰氛環伺。均須嚴防。擬將文瑞一軍。飭令移紮饒防。以固門戶。又添調駐紮湖口之知府屈蟠。帶領平江老中營前往協助。並飭統領江軍水師道員劉于瀄就近策應。湖

聞

口距潯匪遙卽令總兵普承堯派隊駐守似此
略一轉移於援浙防邊兩有裨益奏入報

二十四日

戊子

兩廣總督勞崇光奏言查上年十

二月二十一日有石逆分衆數千由廣西富川

縣境突入連山廳屬之上草地方署同知韓鳳
翔督團迎擊斃賊甚多賊向三江逃竄該處設

立寨城有副將都司駐守二十七日該匪大隊
臨城夥黨續添至萬餘人署副將恆通乘其駐
足未定親率弁勇奮力迎敵三擊三退斃賊數
十名賊以馬隊衝至城下兵勇槍礮擊斃騎馬
賊二十餘名匪始退怯二十八九等日竄至連
州東陂墟知州周振璘擊之至連山沙坊堡團
首羅善璋等截之本年正月初一日竄入湖南

藍山十一日復回至樂昌縣之九峯堡署韶州
府段詰馳往擊退十四日賊復由湖南桂陽竄
至仁化縣之城口段詰等派兵在雷口橋與賊
接仗殲斃不少該匪由仁化竄至始興縣之間
韶知縣黃培基等率勇追擊生擒二十名賊竄
南雄州屬百順地方署南雄協副將哈芬布署
知州三多等在石狹水各處與賊打仗大獲全

勝斃匪四五百名該匪率其全股由江西大庾
信豐龍南竄去臣仍嚴飭北路將士扼要嚴防
以杜回竄奏入報

二十五日己丑張芾奏言浙江省城克復該逆於

初四日由小和山竄撲餘杭縣城臣所派副將

王夢麟等已先期馳至該逆不能逞志遂於初

七日繞道竄至臨安恐由於潛昌化進犯徽郡
臣復飭知府蘇式敬等各率所部赴昱嶺關迎
勦而徽防之旌太各縣踞匪麇集嶺外時圖窺
伺初八日旌德踞逆進犯績溪縣之梅士坑經
總兵江長貴等擊退追至灌子嶺地方突有悍
賊千餘蠡擁進撲各軍分投迎敵斃賊多名賊
始反奔現在徽防旣固恐賊又將回竄湖屬孝

豐等縣以與四安廣德之賊歸併亟應乘此聲
勢合力聚殲已檄米興朝督隊由臨安進徇咨
會張玉良飭令王夢麟等分兵追襲孝豐一路
仍檄令江長貴嚴扼徽防各嶺相機進規旌太
以固邊防奏入報

同日吏部奏言查辦理安徽軍務都察院左副

都御史張芾因賊由甯國竄出自請治罪欽奉
諭旨改爲交部議處應請將張芾照防範不嚴降一級
留任例上加等議以革職留任奏入

上諭內閣曰張芾督辦皖南軍務賊匪疊陷涇縣廣德
州等數城以致闖入杭州實屬咎無可辭姑念賊匪
由甯國一帶竄出張芾遠在徽州亦當防勦喫緊之
際著暫行革職仍責令督辦皖南軍務以觀後效至

周天受以武職大員駐紮甯國當賊匪竄陷廣德時
未能實力堵截尤難辭咎周天受著革職留營並革
去巴圖魯名號毋庸交部議處責令督兵將廣德涇
縣等城迅圖克復以贖前愆

二十六日
庚寅閩浙總督慶端奏言查徽甯賊氛

猖獗浙省防剿喫緊自應撥兵援應臣現飭調

省標兵一千名建甯鎮標兵五百名海壇鎮標

兵二百名長福營兵三百名共二千名派副將
斐什賀統帶剋日起程赴浙聽候撫臣羅遵殿
調遣臣仍隨時察看情形豫備策應奏入

上命軍機大臣傳諭瑞昌慶端張玉良王有齡曰杭城
雖已克復而長興孝豐武康德清四縣尙爲賊踞正
需兵力掃蕩此項官兵到浙著卽交張玉良調遣飭
令會同和春等派往之兵分投攻剿迅圖克復四城

以固浙江門戶慶端業已派兵前往不得因杭城已
復遂行撤回

二十七日辛卯翁同龢奏言賊首陳四眼狗由浦

六來援潛太裏脅甚衆迫爲楚師擊敗猶有三
四萬人累次圖撲六安壽州經副將盧又熊知
縣英翰擊退舒城縣知縣甘文瀾紮營張母橋
地當孔道亦屢挫賊鋒該逆旣爲英翰擊破收

合餘衆進紮靠山碑等處連營二十餘座離張
母橋二十里甘文瀾見賊衆我寡恐難取勝因
於二月二十日夜閒督勇銜枚疾走進薄賊之
頭營賊驚覺拒守不測人數多寡不敢出戰甘
文瀾潛遣敢死士繞過營後該逆蒼黃分應兵
勇直前躍過濠溝搶入營內斃賊數十該逆潰
奔乘勢偪攻次營焚燒賊房多閒賊始逃遁其

時北路一隊亦攻破賊營一座殲賊多名我軍
追殺數里餘營二十餘處賊皆棄之而走壽州
南鄉暨合肥地界凡賊所經之處圩民齊出禦
賊頗有斬擒又桐城東鄉周家潭團練均習拳
勇賊匪憚之在籍知州疏長庚帶練素爲得力
曾在破岡烏金渡等處與賊打仗獲勝二月初
安慶賊首張潮爵聞楚師大捷飛調江南青陽

刀工要緊，各款刀工，可

弁尙屬出力可否俟克復桐城彙案請獎奏入
上諭內閣曰此次舒桐擊賊大獲勝仗著翁同書督飭
員弁乘勝進攻迅殲醜類在事出力人員准其俟克
復桐城後彙案請獎

同日胡林翼奏言查荆宜施道李續宜現已銷
假到營臣所部各營均分撥多隆阿李續宜管
帶其才力膽識可以各當一路俟天氣晴明卽

可向懷桐進取惟總兵鮑超因傷病請假離營
養息以副將宋國永代領其軍暫資後路防守
皖疆現已肅清三百餘里楚疆門戶自更穩固
臣因病仍回楚界合無仰懇

天恩賞假一箇月俾臣離營調養前敵將領現均有人
臣所管帶各營分隸多隆阿李續宜管帶兵事
儘可得力奏入得

旨允行

二十九日

癸巳

和春奏言長興縣治在浙江湖州

府城西北爲第一扼要之區臣疊飭總兵劉季

三由宜興進攻熊天喜山烏程歸安進攻湖州

府紳董趙景賢等願帶民團前往會剿熊天喜

督隊攻毀虹星橋賊營兩座卽因賊壘駐紮以

期規復長興時湖州府瑞春派委長興縣徐之

鑑帶領民團萬餘與賊相持候補總兵曾秉忠
適帶長龍船由太湖夾浦駛至縣東民團見官
兵忽至歡聲雷動兵民奮力夾攻逆勢不支敗
退入城曾秉忠舟師已從小東門水關駛入民
團亦卽進城逆匪驚懼逃逸遂於三月十五日
克復長興縣城劉季三卽統帶所部馳赴溧陽
進攻廣德據李定太函稱杭州府屬之臨安縣

已於初八日克復湖州府屬之孝豐縣亦於十四日克復餘逆均竄廣德李定太卽在孝豐縣城暫時扼紮米興朝一軍亦於途中會合等語又據鄭魁士周天受等函稱浙西賊黨麇聚廣德亦將甯國府城東路之紅林橋占踞其意總爲救援金陵逆首起見臣亦函致鄭魁士並嚴飭劉季三熊天喜各鎮相機會辦堵剿兼施無

任外援之賊與金陵首逆會合則石城斷難久
持東南軍務大有轉機矣至曾秉忠當賊匪攻
撲湖州府城時師船一至立解重圍此次又能
於民團擊賊之際由水路赴援馳入縣城立時
克復實屬奮勇該縣民團勇往殺賊志切同仇
並堪嘉獎應由浙江撫臣查明奏請

恩施以示鼓勵奏入

上諭內閣曰長興旣克杭州府屬之臨安湖州府屬之孝豐亦均克復卽著和春嚴飭帶兵各員乘勝搜捕竄匪收復各縣俟肅清浙境後卽當力攻廣德毋令久踞候補總兵曾秉忠及出力之官兵民團等均著瑞昌張玉良王有齡查明保奏

和春又奏言江北九洑洲搃斷以後金陵南岸沿江上下二關及上河等險又爲我軍所據賊

勢日形窮蹙張國樑親至城西南隅各路查看
形勢先將三汊河營盤移至上河地方便於進
攻上河街內伏有賊匪千餘卽來攻撲張國樑
揮軍三路抄擊殺賊甚衆該逆敗潰追至江東
橋頭我軍已於上河街頭紮營六座張國樑又
督同總兵黃靖帶隊至江東橋之東滾營前進
該逆見我軍之進逼也率黨約二三千由橋內

兩路衝出張國樑一面飭夫役人等在後築營
一面檄令黃靖等分左右齊進自帶兵勇居中
策應該處池塘甚多逆黨憑恃爲險因令兵勇
鼻水而過出其不意登岸從旁抄擊該逆不知
所爲立即奔潰回巢我師從後掩殺追至橋頭
賊壘之前水西門又出賊援千餘襲我之背使
我不能安營張國樑揮令後隊回擊而橋上賊

營復出千餘兩面突至我軍分投抵敵鏖戰約
一時許橋上之賊又敗援賊膽落始退回水西
門我軍新營已紮成八座西南隅營壘均已一
律紮成張國樑又至南路之安德門地方帶兵
護築營盤已成三座惟一座尙未竣工該逆乘
我之倦出黨二千餘名來撲我軍分路出擊守
備張啟冉得勝深入賊叢該逆重重圍裏張國

樑親督小隊殺入重圍賊始敗退我軍已於安
德門毛公渡地方築營四座當我軍在東南隅
移營時該逆進攻南路長牆意欲分我兵力副
將馬登富等憑牆固守轟斃賊匪甚多待至申
刻見該逆正在撤退開門突出薄之逆衆大潰
由聚寶門雨花臺退回斬馘數百賊復夤夜出
撲又被擊敗退至山坡城中又有續到之賊分

殷而來我軍先於牆內以火器轟擊迫援軍調
至開營出擊斃賊不可勝計該逆仍退往雨花
臺聚寶門而去南北兩岸關隘爲我攻奪業已
移近營牆步步前進而已阱之獸猶復死守以
待外援屢據皖南探報江北之賊日有竄併蕪
湖太平者浙西之賊亦有回竄廣德希圖進犯
建平溧陽東壩者該逆知我分兵四出意欲蝟

集羣醜救應金陵刻下內防竄突外擊逆援臣
等總當就現有兵力設法圖維以冀擒渠擣穴
和春又奏言浙江逆匪大股現已回竄廣德在
建平東夏一帶撲竄副將馮日坤等由建平向
東夏一路迎剿熊兆周山東夏向建平一路迎
剿斃賊多名鄭魁士已加派兵勇前往協助該
逆屢次搭造浮橋均被官軍擊散建平緊接漚

壩必須嚴加堵禦臨安孝豐長興均已克復浙
西情形較緩已飛飭副將向奎卽帶原部兵勇
二千馳赴淳壩聽候鄭魁士調遣奏入均報

同日袁甲三奏言粵逆陳四眼狗糾邀黨衆數
萬由和州含山竄至全椒西南六里搶築營壘
又分股自滁西福興集竄至李都營聲言復仇

兩面圍攻副將李世忠隨飭遊擊朱元興等實力守禦一面飛調直隸州李元忠帶勇助剿本月十四日逆衆分撲城濠朱元興等奮力截擊互有殺傷該逆倚恃賊衆分隊向北路紮營斷我由滁往來糧道滁州小西門外已有賊蹤臣卽派撥副都統烏勒興阿等管帶馬隊馳赴滁州援剿逆衆又在腰鋪十五里墩小山頭等處

紮營直偪滁城徑撲東門而全椒城外賊營約
四五十座經朱元興踏破四座次日復行搶築
全椒糧道不通據獲賊供該逆欲由江浦進攻
九洲以解金陵之圍惟恐滁全之兵抄其後
路是以假道於此全力相爭此時但得糧道一
通滁全兩城儘可保守除飭李世忠竭力堵禦
並派副將向聰得管帶兵勇一千星速赴滁助

勦一面飛商和春張國樑酌撥勁旅由江浦一帶會合夾擊以期就地殲除奏入

上命軍機大臣傳諭和春張國樑袁甲三曰粵逆陳玉城因官軍克復全椒糾黨數萬由和州含山竄至圍攻全椒復在腰鋪十五里墩小山頭等處紮營直逼滁城雖經李世忠等竭力守禦奮勇攻擊而被毀賊營旋即搶築全椒糧道斷絕該逆意欲由江浦進攻

九狀洲恐餘全之兵抄其後路是以假道於此現在
袁甲三雖已先後派兵前往援剿尙恐兵力單弱著
和春張國樑酌撥江北勁旅由江浦一帶會合夾擊
力保餘全並著袁甲三嚴飭烏勒興阿等統帶馬步
兵勇馳往助剿毋稍延誤

同日徐有壬奏言前據浙江按察使段光清稟
稱該司奉派防堵獨松關旋聞逆匪掩至省城

卽帶勇回援省城各門堅閉該司擇要紮營屢
帶廣勇衝鋒獲勝詎料省城被陷該司衆寡懸
殊萬難抵禦會同副將王邦慶分投招集潰勇
退守海甯嘉興飛飭守備布興有趕招艇船堵
截錢塘江口經臣據稟奏報茲又據段光清稟
稱該司以杭州失守繕摺具奏交臣代遞查原
摺係初三日拜發已隔半月之久且覈其摺內

情節與前稟種種參差究竟因何歧異之處是
否因救援不力希圖藉詞飾混抑有別故必應
查明叅辦已咨杭州將軍瑞昌就近確查辦理
同日浙江按察使段光清奏言前因廣德之警
撫臣羅遵殿委臣赴餘杭獨松關防堵嗣逆匪
直撲省城臣卽帶兵馳回救援詎料省城被圍
不能衝突前進臣沿江繞至海甯十七堡地方

問杭城已破適臣晤見紹興府知府懷清卽與
渡江而東現在蕭山之龜山西興義橋臨浦及
諸暨縣屬沿江一帶防堵尙爲嚴密察看情形
猶冀畫江而守以顧浙東八郡而圖克復省城
惟聞該逆已於富陽江面擄船三十餘隻深恐
擾及嚴紹臣已飭各路嚴防並稟請和春何桂
清慶端張芾速派雄師分路救援隨時確探省

城實在情形相機辦理均奏入

上命軍機大臣傳諭和春何桂清王有齡曰前據瑞昌等奏按察使段光清等於二月二十七日與賊打仗失利後出城追集援師三月初六日進城當降旨將段光清革職拏問交和春等嚴行審訊從重定擬茲據徐有壬奏段光清續報杭州失守情形具摺稟請代遞先後不符段光清前經稟稱羅遵殿派令防守

獨松關追賊撲杭城折回救援各門堅閉二十六日
該逆攻陷城垣衆寡不敵卽與副將王邦慶退至海
甯嘉興現又奏稱回援省城不能前進沿江繞至海
甯乃聞杭州失陷該革員原摺填寫三月初三日於
三月十七日始行齎交徐有壬代遞計期已隔半月
之久前後情節種種不符顯係藉詞掩飾著和春何
桂清王有齡仍遵前旨將段光清嚴訊定擬具奏

三十日

甲午

何桂清徐有壬奏言浙江軍務自克

復杭州後餘杭敗匪竄陷臨安復由孝豐竄回
皖南其屯聚長興之逆意欲分股一由太湖徑
犯蘇州一由山路徑犯宜興升任藩司王有齡
因嘉興一帶已有礮船四十號在彼堵禦平望
情形較鬆而太湖水面遼闊防範難周咨令署
臬司蔡映斗在平望防所抽調礮船親自督帶

駛入太湖南岸之大錢口嚴行堵禦湖州紳士
趙景賢等勸諭團練共有數萬人聲勢頗壯總
兵熊天喜馳抵湖州卽督參將羅熙賢等分路
進兵又約會總兵劉季三遙作聲援總兵曾秉
忠會同民團將長興城外賊壘掃除克復縣城
並將青草塢賊巢焚燬現在熊天喜已進紮四
安擬卽由此進兵劉季三由流洞橋進兵會攻

廣德其湖州府屬之安吉德清二縣均經先後克復武康縣城聞亦退出浙江旣已得手甯國府城必將喫緊先經周天受調兵在甯國廣德交界之紅林橋紮營以杜回竄三月十五日該逆攻撲紅林橋營盤衆寡不敵以致失陷該逆又徑撲建平縣城經鄭魁士派兵堵剿尙未退去臣等已飛飭熊天喜劉季三緊攻廣德儘能

得手則建平之賊亦不擊而自退復據溧陽縣
稟報該縣忽有逆匪由山僻小徑而來當經兵
勇擊退恐有大股續至現在登陴守禦等情溧
陽防兵僅八百名總兵劉季三一軍已進紮流
洞橋魯攻廣德勢難遽撤臣等已會商和春劉
季三迅速設法救援一面督飭常州宜興金壇
官紳整頓團練以備不虞奏入報

聞

欽定剿平粵匪方略卷二百三十五

庚申年

閏三月初一日 乙未 杭州將軍瑞昌候補提督甘

肅肅州鎮總兵張玉良杭州副都統來存奏言

自杭城克復後官軍由富陽餘杭進復臨安武

康孝豐等城另股賊匪撲犯湖郡經該郡官紳

出擊獲勝賊匪退踞長興縣城並於城外虹星

橋地方設有賊營二座 臣等卽令由蘇派來之

總兵熊天喜率所部兵勇三千名赴湖與該郡
防軍合力進剿十五日將虹星橋賊營攻破殺
賊八十餘名城中之賊悉衆出戰兵民奮力合
擊賊卽敗退總兵曾秉忠乘勢率領舟師從小
東門水關攻入其餘兵勇悉由旱門攻入賊見
我軍水陸並進分起從西南二門竄出長興縣
城立時收復現聞大股賊匪歸併廣德湖郡惟

四安梅溪一帶尚有餘匪查湘郡水陸兵勇統
計約有三千餘人藉資防守長興現由熊天喜
派隊駐紮其李定太米興朝各軍俱暫就孝豐
分布扼紮以防回竄臣等現咨各鎮會商併攻
廣德乘勢埽蕩以固浙省門戶至省垣重地除
臣張玉良所帶援兵分紮城外南北兩山滿營
存兵一千餘名照舊分布外現在收集潰散兵

勇已有四五千名更有陸續援兵到來自當隨時酌量妥商布置奏入報

初二日丙申瑞昌來存奏言逆匪竄至武林臣瑞

昌來存先與接仗賊勢太衆未便深追因率兵防守二十七日卯時城陷夏寶慶之勇類與賊通佯爲敗退以至闔城兵勇同時潰散賊卽由

彼處擁入臣等率領滿兵迎勦在湧金門斃賊五六百人我兵亦傷亡不少祇得退至滿洲營駐守二十八日差人偵探賊蹤見漢城四面火起段光清等早已縋城逃走臣等督兵固守五小營門仍隨時出兵追勦奈該逆已將滿營合圍兵力已竭惟有仰懇

天恩速撥勁兵以圖恢復郵遞文報不通此摺專人齎

遞合併聲明奏八

上命軍機大臣傳諭和春何桂清王有齡曰前因杭州
省城失陷臬司段光清等藉詞接仗失利退至海甯
嘉興疊經降旨將該臬司革職拏問交和春等嚴審
從重定擬具奏本日據瑞昌等三月初二日專差齎
遞一摺內稱二月二十七日卯時城陷夏寶慶之勇
類與賊通佯爲敗退以致闔城兵勇同時潰散又二

十八日漢城四面火起段光清等早已縋城逃走各等語兵勇通賊首先潰退帶勇之員何以毫無覺察殊堪痛恨著和春何桂清王有齡詳細查明將通賊之勇盡法懲治並將夏寶慶一併訊明正法以肅軍律至已革臬司段光清如何縋城逃走並著和春等查明與副將王邦慶一併按軍法懲辦

同日何桂清徐有壬奏言臣等探聞建平於三

月二十一日失守東壩於二十二日失守溧陽
於二十三日失守查溧陽離宜興金壇均不過
數十里朝發夕至總兵劉季三統兵雖有四千
餘名派赴溧陽者一千數百名紮營廣德境內
之杭村地方者一千餘名實在所帶祇有千名
暫駐宜興之張渚地方居中策應此時若將杭
村之兵卽行撤回則廣德逆匪必躡其後將有

腹背受敵之患現據和春咨稱已調現在浙江
之副將向奎參將羅熙賢二軍由湖州閒道速
回宜興歸劉季三調遣進剿又將前赴浙江之
總兵熊天喜調回會剿而程途紆遠不知何日
方到臣何桂清前調會秉忠所帶長龍船由太
湖徑赴宜興探明賊蹤迎剿亦尙無回蘇確信
現在賊蹤飄忽迅疾而宜興兵力不敷分布金

壇並無一兵設賊匪乘閒而入蘇常均屬可虞
新任浙江撫臣王有齡適當交卸起程之際聞
建平警信卽帶其親兵一千名星夜來常會同
商辦並將由杭州撤回之金陵大營招募新勇
二千餘名截留常州派員管帶相機迎勦惟新
募之勇恐不足恃臣等已咨和春邀請張國樑
親自前來或可挽回大局奏入

上命軍機大臣傳諭和春張國樑何桂清徐有壬曰建
平東壩溧陽相繼失陷賊氛逼近蘇常何桂清等自
必趕緊布置力籌保全之策據奏和春等已調回援
浙之向奎羅熙賢二軍由湖州開道馳回宜興其熊
天喜一軍及曾秉忠之長龍船亦均已調回攔剿惟
程途較遠一時尙無確信且恐兵力尙單不敷剿辦
現在杭湖各邑均經克復杭城有張玉良一軍駐守

加以米興朝李定太等軍足敷搜捕所有饒廷選一
軍由江西援浙據報已於二月二十八日起程本日
慶端奏援浙之閩兵三千亦已起程著何桂清飛咨
瑞昌張玉良如浙江無須添兵卽由何桂清分撥進
剿速圖克復東壩溧陽勿令闖入腹地至金陵已合
長圍攻剿正當喫緊何桂清已咨和春令張國樑帶
兵赴援仍著和春酌量情形必有謀勇兼優之人可

代張國樑坐鎮防勦方可令張國樑暫時離營布置
仍回金陵大營以免困守逆匪或有意外竄出之虞
所有派防東壩各員弁著和春等查明叅奏其建平
溧陽等縣城內文武下落並著何桂清等查明具奏
同日慶端奏言 臣前探皖南逆匪大股直竄四
安攻撲湖郡並有另股旁竄安吉武康等處徑
撲省城卽將前調援浙之閩兵二千名並調赴

建郡駐紮之兵丁一千名一併勒令星夜起程
馳赴三衛相機前進並飛催前調之臺灣兵勇
二千四百名陸路提標興化海壇等營兵丁一
千四百名速赴浦城一帶駐紮委臬司裕鐸馳
往調度布置防堵其仙霞關壯勇五百名委護
理建甯鎮閔長齡接統駐守一面添調金廈漳
泉各營兵丁一千七百名星馳來省聽候調遣

策應奏八

上命軍機大臣傳諭慶端曰浙江省城於三月初三日克復臨安及湖州被陷各邑亦已先後攻克惟廣德州仍爲賊踞浙中防剿尙屬喫緊所有慶端派出援應之閩兵三千名著卽催令前進於行抵浙境後聽候張玉良調遣其餘調撥之臺灣等處兵勇均可無庸派往卽著飭令歸伍至浦城及仙霞關等處應如

何酌留兵勇嚴密設防仍著該督察度情形斟酌辦理

初五日己亥瑞昌張玉良來存奏言自長興克復

後梅溪餘匪亦卽擊退總兵熊天喜督隊分水陸兩路由長興前進十九日抵四安鎮該處賊匪卽時棄營逃竄我軍望廣德大路跟追十餘里躡及賊隊該逆抵死回拒各軍合力奮擊匪

勢不支卽分西北兩路竄去當晚我軍卽於四
安鎮口築營十座探知賊匪屯聚四安之西二
十餘里現在熊天喜劉季三李定太米興朝等
會商各督所部節節掃蕩業已直逼廣德離城
三十里之界牌以圖進取惟江西另有股匪竄
擾南豐新城逼近貴溪縣境總兵饒廷選駐軍
衢州因廣信告急當派平江五營同水師礮船

三千餘人馳赴信郡防剿賊匪竄至貴溪對河之官莊地方經平江水師礮船轟擊逆匪不能徑渡遂沿河南岸雙港一路內竄進徧鉛山縣城旋由廣豐抄走小路於二十一日已至排山地方距江山縣城七十餘里臣等以衢州情形喫緊擬將前調湖北知府蕭翰慶所帶壯勇二千四百名檄赴江西會剿其援浙福建兵三千

名全行截留衢郡飛咨李定太迅帶原部兵勇
卽日拔隊星馳前往並飭米興朝督師扼紮四
安以爲廣德諸軍後路聲援又接兩江督臣何
桂清函稱甯國府附近之紅林橋營盤已於十
五日被賊撲陷甯郡軍情又形喫重臣等飭調
參將周天孚等各帶兵勇馳回甯國協助周天
受以壯聲威並因高淳東壩危急卽令副將向

奎帶領所部一千五百餘人趕赴瀋壩聽候鄭
魁士調遣臣等仍催熊天喜等併力進攻以牽
賊勢此次浙境肅清所有在事出力文武員弁
可否擇尤酌保之處出自

天恩奏入

上命軍機大臣傳諭瑞昌張玉良來存曰官軍克復長
興後跟蹤追剿直逼廣德距城三十里之界牌浙境

已就肅清惟另有股匪竄近江西貴溪近徧鉛山復
由廣豐竄至江山縣境此股逆匪蔓延各處衢州防
堵固屬喫重但昨據何桂清等奏建平東壩溧陽先
後失守蘇常亦形危急當諭令和春等飛咨瑞昌等
如浙江無須添兵所有饒廷選一軍及援浙閩兵三
千名卽由何桂清等分撥進剿今瑞昌等已飭向奎
一軍前赴高淳東壩其閩兵三千擬留守江山李定

太所部兵勇又經飭赴衢州饒廷選現任衢州其兵
勇已撥往江西周天孚等已帶兵回援甯國所有攻
剿廣德州兵力是否足敷該處爲由皖入蘇浙要路
該將軍等仍當咨商和春何桂清察看賊勢緩急酌
量調度毋得顧此失彼至克復杭州出力員弁兵勇
業經降旨令瑞昌等覈實保奏現在浙境肅清所有
追剿出力之將弁等准其一併保奏候朕施恩

初六日庚子和春奏言賊匪竄擾建平東夏分股

直犯東壩維時瀘壩兵勇空虛勢不能支建平
東夏防兵因腹背受敵餉道中斷遂於二十一
日失守東壩亦於次日潰防該逆遂卽竄犯溧
陽總兵劉季三帶兵馳援行抵張渚探知溧陽
城外四面皆賊不能前進至初更時溧陽城池
失陷劉季三以宜興荆溪屏蔽蘇常卽於二十

四日親至縣城督同地方官擇要紮營以防竄突查溧陽爲蘇常門戶此處爲賊所踞卽可直達蘇常臣已檄調駐紮揚州之總兵馬德昭帶兵一千名參將艾得勝帶兵五百名馳赴金壇防勦惟常州爲南北水陸要道糧臺又設立於此疊據何桂清函稱彼處防兵僅有浙江撫臣王有齡部勇一千名及浙江撤回之新勇二千

名調赴金壇之參將周天孚所帶兵勇一千八百名均道出常州亦卽截留防守尙有調防杭州之副將馬占葵一軍二千人正在飭回揚州臣亦函致何桂清就近迎提暫留常防又將援浙之總兵張玉良所部兵勇二千四百名飭調赴常援剿何桂清欲請張國樑親自赴援無如金陵各營征調已空現存兵數僅敷守禦營牆

適又連接西路探報拏獲奸細供稱賊目僞侍
王僞忠王等帶領大股賊黨已至高瀆欲由溧
水以至金陵圖解洪逆之困東西梁山金柱關
等處亦報有江北匪船接續南來志在合併攻
突張國樑連日親自督兵移營築牆掘濠夜以
繼日惟恐不及實有萬難分身之勢現聞賊勢
趨重宜荆一路金壇稍鬆不得已又改派馬德

昭統帶所部馳援常州並派張國樑親兵三百
名赴援又續調揚州兵勇二千名徑赴常州聽
候何桂清調遣此時金陵兵力實已無可再分
惟願常郡能固守待援金壇藩籬不至決裂各
路援師雲集尙可力挽艱危臣調度疏忽未能
先事豫防實有應得之咎請

旨交部議處其留防統兵員弁未能實力堵禦致賊內

犯腹地連陷數城容俟查明另行叅奏奏入

上命軍機大臣傳諭和春張國樑何桂清曰建平東壩
溧陽先後失守蘇常門戶洞開前經諭令該將軍等
迅圖克復力保腹地常州爲根本重地到防兵勇已
有三千八百名續調之馬占葵等兵尙有四千餘名
又續調揚州兵勇二千名各項兵勇到齊著卽由何
桂清就近調度力籌堵剿遏其分竄蘇常之路現又

探報賊黨有由溧水圖援金陵之說東西梁山金柱
關等處亦有江北匪船接續前來張國樑自未便遽
令遠離著仍留江南督兵以便布置一切至浙境雖
就肅清而廣德未復終有回竄之虞昨又據瑞昌等
奏江西股匪竄至江山衢州喫緊張玉良所帶之兵
能否全數調回杭州兵勇是否足敷防守和春兼辦
浙省軍務務須妥籌兼顧聯爲一氣仍卽督飭各路

統兵員弁一面迅攻溧陽等處以次克復一面進攻
廣德兼顧浙防

上諭內閣曰廣德逆匪竄陷建平東壩溧陽相繼失陷
此次官軍雖因賊衆兵單致被竄陷究屬防守不力
咎無可辭和春著交部議處其各防統兵員弁未能
實力堵禦並著和春查明卽行叅奏

同日張芾奏言義勇韋志俊於正月間率部前

赴東流水營後經楊載福酌爲裁汰措置稍定
現復派令赴浙臣愚以爲章志俊新附之衆部
下賢愚不等自東流入浙水陸程途千有餘里
皆屬腹內之地浙省餉需既竭勢難寬爲豫備
設有缺乏發令退有後言轉難解釋且浙東民
情悍悍該營號令稍有不嚴必致闕然交構更
虞附腋之患現在浙省援軍雲集似不在此一

旅之師況章志俊等本係出戰福招撫全賴駕
馭得宜自應責成該提督一手經理以免別生
枝節相應請

旨飭楊載福將章志俊一軍仍調回本營隨時餉練
以資整頓等因

上命章大臣等將楊載福等義勇章志俊經楊載福
派令赴高麗自東流山撤入浙程途較遠現在浙省

援軍雲集足數剿辦所有韋志俊一軍自可無庸派
令前往著楊載福卽飭韋志俊仍回水營認真訓練
以資攻剿

初八日

壬寅何桂清徐有壬奏言逆匪自踞溧陽

後四出狂奔直趨常州城中存兵不過三百餘
名截留新勇未經訓練和春先後檄調副將馬
占葵等軍遠在浙江並無一旅到來新任浙江

撫臣王有齡目睹常郡危急當率親軍千名登
陴設守三月二十五六七等日該逆大股竄近
常州經東安官村豐義各處民團沿途截擊斃
賊多名逆匪退至離城六十里之陽溧埠屯踞
適有撤回甯國之參將周天孚等所部兵勇三
千一百名因道梗折赴宜興隨卽飭調來常與
新勇分紮扼守和春抽調張國樑親軍廣勝勇

三百名派遊擊林定海管帶前來教練新勇以期得力又有巢湖船隻向以運鹽爲生人本强悍自東壩失守生計斷絕散泊各處當飭道員史保悠將此等船隻水手招集挑選作爲義勇於五洞橋要隘安營防剿布置甫定疊接宜荆二縣警報二十六日逆匪已直薄縣城幸總兵劉季三先已帶兵趕回總兵曾秉忠所帶之長

龍船亦由太湖駛至水陸夾攻將賊擊退而張
渚鎮於二十五日被匪竄踞會秉忠酌留二十
船在宜興助勦自帶三十船赴常應援又金壇
縣於二十七日亦有逆匪撲城幸和春先由揚
州調回總兵馬德昭率所部一千五百人馳往
防勦甫經趕到當卽出擊賊始退去和春知常
州情形危迫不得已先其所急飛飭馬德昭來

常另調周天孚所部一千六百人並由揚州調到副將劉成元兵勇一千名赴金壇接防此次江北逆黨因杭州先曾被踞悉衆南趨原爲守杭擾蘇而來及聞杭州克復我師精銳多在浙江遂與浙省敗匪合謀分竄四路內犯現在建平東壩溧陽旣失張渚又復被踞江蘇門戶洞開水陸歧途百出實有防不勝防之勢所有無

錫蘇州一帶防堵事宜由臣徐有壬委員察看
地勢酌調礮船趕緊辦理臣何桂清惟有會同
王有齡督飭馬德昭等就現有兵力相機防剿
新任浙江撫臣王有齡前奉

諭旨飭令帶兵馳赴浙江會辦軍務自應迅速赴任惟
浙省現無賊蹤常州則逆氛環逼此時緩急攸
殊提督張玉良經和春咨調赴常援剿自必卽

日前來合無仰懇

天恩將王有齡暫留常州會辦軍務一俟張玉良到常
後卽行赴浙實於大局有裨奏入

上命軍機大臣傳諭和春張國樑何桂清徐有壬王有
齡曰逆匪由溧陽徑竄常州因沿途民團截擊退踞
陽溧埠宜興荆溪敗匪復竄踞張渚鎮此次檄調援
常各軍據和春前奏約有九千數百名計可陸續馳

到又有曾秉忠師船三十隻諒已足敷分撥張國樑
因金陵布置喫緊未能遠離張玉良一軍如能趕到
卽可迅速掃除但江西賊匪欲竄衢州杭城防守又
形喫緊萬一張玉良不能前來卽著和春調鄭魁士
由溧水赴常州督兵較爲近捷王有齡准其暫留常
州協同該督守禦俟張玉良或鄭魁士到常卽行馳
赴浙江新任其未到之馬占葵等所帶各兵並著飛

催前進何柱清惟當就現有兵力先除陽溧埭股匪
山宜興金壇以次掃蕩規復溧陽等處毋令蔓延其
無錫等處入蘇州要路卽著徐有壬嚴密堵守

初十日甲辰瑞昌張玉良奏言賊匪先由涇縣分

擾甯國復分股由廣德竄至浙省現在仍歸廣
德與甯國之賊復聯一氣臣等酌商併攻廣德
之賊兼解甯國之圍不料江西另有股匪竄偏

衢郡兼之高淳東壩等處又有大股逆匪回竄
所有併攻廣德兵勇俱經四路分遣頃又接新
任浙江撫臣王有齡來函溧陽建平東壩相繼
失陷蘇常戒嚴未能卽赴新任應請速爲籌顧
等情是浙省內地雖已肅清而外侮情形更形
危迫臣等通盤籌畫惟有力顧東西門戶兼護
蘇常脣齒庶大局可以無虞查此次截留杭城

責成該鎮實力堵剿毋稍疏失傷兵力實有不敷准其招集民團助剿至已革臬司段光清既據瑞昌等奏稱於沿江一帶情形尙爲熟悉著准其暫行派往衢嚴會同饒廷選商辦防剿俟有人接手卽遵前旨拏問江南自溧陽東壩失陷蘇常萬分危急惟俟援浙各師回軍勦辦昨已諭知和春等浙省衢防喫重如張玉良不能折回卽令鄭魁士由溧水赴常州督

勦仍留張玉良督辦浙江軍務著瑞昌等酌量情形
辦理熊天喜等駐紮界牌等處卽著瑞昌張玉良督
相機進攻廣德之賊不得徒事株守王有齡赴援
常州已准其暫留該處俟鄭魁士到後再行赴任所
有省城善後事宜並著瑞昌等妥爲籌畫隨時具奏
同日周天受奏言自浙西連警皖南軍務日益
戒嚴涇縣青陽繁昌蕪湖等處之賊覘知甯防

兵多派出趨犯南陵並於東路之竹園菴南路
之童林山分築逆卡當飭副將陳大富等嚴密
防守二月二十四至二十七日逆首李遠繼率
其悍衆疊次偪撲南陵縣城另以大股衝犯麒
麟橋慈姑橋營壘陳大富等連日分隊堵截殺
賊甚衆賊復乘陰雨增築營卡冀圖偪困三月
初八日賊分東南西三路撲營復經防軍擊敗

據獲賊供稱該逆將侯池州股匪前來卽圖大
逞臣卽由紅楊樹寒亭調副將劉仁福等勇隊
馳赴清弋江東岸紮營以圖夾擊池州賊首楊
逆擁衆竄至涇縣以窺郡南而烏溪黃池之賊
亦乘隙來窺牛頭山營清弋江之賊又分踞西
河鎮臣分飭各營嚴爲戒備並令副將吳再升
扼守牛頭山十四十五等日賊由黃池北岸及

三里埂水陸偏攻我營吳再升等親率所部連戰皆捷詎楊逆於十四日竄至距郡三十里之孫家埠是日副將榮陞由紅林橋督隊邀擊敗賊於桃村斬擒甚衆次日賊以大股分竄一踞雙廟岡一由孫家埠攻撲紅林橋之後一由高村繞犯紅林橋之前意在力踞郡東大路榮陞督同都司匡元斌等奮力迎擊賊勢稍卻榮陞

乘勝分軍出營攔剿截賊東趨鏖戰益力乃另
股復由旁徑直抄紅林橋後卡前敵各軍回援
不及卡被攻陷榮陞大呼陷陣手刃悍賊力竭
陣亡各營相繼潰散匡元斌等衝圍而出現在
郡城四面喫緊宣南道路不通臣一面飛請和
春撥兵接甯一面與在郡將領及地方紳民相
機調度幸南陵文武營士力守孤城戰功累著

擬懇

大恩先予優獎以勵其餘其紅林橋力戰陣亡之副將

榮陞應請

飭部照總兵例從優議卹其餘傷亡將士容俟查明另行辦理奏入

上諭內閣曰皖南涇縣等處踞匪竄擾南陵並分股竄
發麒麟橋慈姑橋兩軍營壘官兵疊次鏖戰殲賊無

數在防將士等均屬戰功累著自應先與獎敘以資
激勵副將陳大富著交軍機處記名遇有總兵缺出
請旨簡放遊擊胡鳳鳴著免補遊擊以參將補用遊
擊田應科著以參將補用都司蕭傳科著以遊擊補
用都司曾得勝著免補都司以遊擊補用並賞加參
將銜江萬川張順林均著賞換花翎胡占鼐著免選
補司以遊擊選用劉祥林胡鳳雛王金魁均著賞加

遊擊銜守備吳定魁熊定邦均著免補守備以都司
補用千總陳科登劉江清龔天吉均著以守備用已
革都司徐福滕成壽均著開復原官署南陵縣知縣
廉能著免補知縣以直隸州知州用副將吳再升著
賞還花翎降補遊擊黃廷芳著開復副將原官其餘
出力員弁兵勇著俟縣城解嚴准由周天受查明與
張帶會銜保奏紅林橋陣亡之副將榮陞著照總兵

例從優議卹其餘陣亡將士並著周天受查明請卹

十二日丙午兩江總督何桂清浙江巡撫王有齡

奏言該逆自退踞陽漂埠之後續到大股三四
千人在該處搶築營壘賊黨四出焚掠閏三月
初一日大股竄至離城二十里之原圩地方當
派已革總兵蕭知音等出隊協同民團迎勦水
陸並進行至距原圩三里地方該逆豕突而前

我軍槍礮齊施鏖戰三時之久殺賊四五百名
總兵馬德昭等揮兵齊進將賊截爲兩段賊衆
大亂我軍合力衝圍生擒賊匪六十餘名殲斃
三四百名自相踐踏落坑墮水者不計其數追
殺四十餘里直抵陽漂埠將前路一帶賊巢盡
行奪毀時遊擊曾秉忠等長龍三板船由僻港
繞至陽漂埠之後舍舟登陸距陽漂埠里許出

其不意飛奔喊殺該逆倉猝出拒相持不及一時之久敗退入巢我軍四面環攻該逆支持不住卽時奔潰隨將後路賊壘十餘座一律踏平餘匪遁向宜興豐義一路而去時已薄暮陸軍當卽收隊曾秉忠等船隻直抵豐義湖邊並由西北黃家橋截其旁竄乘賊喘息未定兩路兜擊又焚賊二百餘名該逆無心戀戰四散奔逃

水軍追過距豐義十里之觀莊地方始行收隊
現接總兵熊天喜來稟廣德州已於三月二十
八日克復參將羅熙賢一軍不日可抵宜興卽
飭總兵劉季三會同羅熙賢將宜興城守事宜
布置妥協卽由西鄉節節掃蕩爲規復溧陽之
計其圍攻金壇之賊於初一初二等日連次撲
犯均經副將劉成元等擊敗回巢初二夜劉成

元等各帶隊伍銜枚疾走分攻賊營逆衆傾巢
出拒我軍鏖戰經時殺賊無數該逆紛紛潰退
向西路狂竄當將沿城賊壘一律平毀至金壇
西路係寶堰大茅山白兔一帶地方與丹陽句
容丹徒接壤句容業經和春派兵防堵丹陽甚
屬空虛臣等現已派兵馳往防守其丹徒寶堰
地方仍咨和春酌量撥兵堵禦再現在常州軍

情已有轉機浙江籌防喫重臣王有齡拜摺後
卽行起程馳赴新任奏入報

十三日丁未何桂清王有齡奏言據探溧水失守

大股逆匪與金壇擊退之賊併竄紅山地方距
白兔僅十餘里查該處上通句容下達丹陽且
可直抵鎮江該逆若由白兔分竄則大營後路

爲賊所包水陸餉道勢將隔絕此時句容業經
和春派兵防堵而丹陽鎮江空虛實甚適提督
張玉良由杭酌帶兵勇一千名於初四日抵常
臣等與之籌商派副將向奎所部兵勇一千五
百名同副將馬占葵所部兵勇二千名先赴鎮
江一面飛催總兵熊天喜率廣德得勝之師三
千名由常赴鎮一俟趕到再令馬占葵一軍扼

守瓜州以通大營至蘇常之水路其丹陽一路
派已革總兵蕭知音管帶兵勇一千名參將林
定海管帶新勇二千六百名千總劉厚和等管
帶長龍三板船二十隻先後馳往防守以通大
營至蘇常之陸路至宜興有總兵劉季三在彼
勦辦金壇有副將劉成元等在彼防守而溧陽
尙未克復金壇匪徒有回竄之信宜興西北各

鄉賊氛尙熾連日獲賊供稱該逆仍欲由豐義直撲常州似此逆蹤環伺未可稍事大意所有總兵馬德昭等兵勇並調回參將羅熙賢一軍及總兵曾秉忠所帶長龍三板船三十餘隻應一併暫留常州俾資調遣並請將常鎮諸軍就近暫歸張玉良節制以期呼應較靈於防勦機宜應有詳益奏八

上命軍機大臣傳諭和春張國樑何桂清張玉良曰本
日何桂清等奏溧水失守通籌防剿情形布置尙屬
周妥惟溧陽尙未克復金壇之匪有回竄之信宜興
西北各鄉賊氛尙熾當此逆匪環逼何桂清所派各
軍是否足敷防剿著和春張國樑體察情形趕緊將
大營後路妥爲布置毋令該逆分竄丹陽鎮江等處
逆匪欲由豐義直撲常州該處防務未可稍涉大意

所有總兵馬德昭等兵勇自應一併暫留常州調遣
張玉良已到常州著暫留江蘇節制諸軍一切防剿
機宜仍隨時咨商和春張國樑務令聲勢聯絡不可
顧此失彼

十四日 戊申 張芾奏言探聞長興四安均經攻克

賊退入廣德旁竄建平高淳東壩相繼不守甯
國府四面受敵情形極爲危急提督周天受雖

勉示鎮定亦有萬難支持之勢南陵一城賴有
副將陳大富等竭力繕守無日不戰勢尤岌岌
先是臣檄令總兵江長貴進攻旌太並知會已
革總兵米興朝由廣德一路援甯正在布置閒
乃江西股匪已由鉛山等縣擾及開化縣之華
埠次日進竄網巾街均與徽屬歙休婺源毗連
當派知縣吳欽曾等馳赴馬金白磔扶車各嶺

防堵賊知有備遂竄至遂安縣西北鄉窺伺歙
南之速嶺歙嶺旋經嶺外民團擊走復竄至淳
安分水縣境茲已派副將余永椿王夢麟分路
赴徽浙交界地方相機防剿伏思甯國危急徽
防又因浙東有警多所牽掣現竄淳安之賊來
蹤飄忽每於兵力不到之處乘隙而入雖未必
遽犯杭城誠恐此擊彼竄滋蔓難圖必須速籌

埽蕩適有統帶援浙楚師之知府蕭翰慶率衡
勇及義勇韋志俊所部共六千人先後行抵祁
門休甯該軍本應遵奉

諭旨折回楚省惟浙西雖已肅清而皖南軍情甚迫瀘
壩告警則金陵之師斷難兼顧甯國況浙東又
有賊氛亦須豫備援剿仰懇

天恩准將此軍暫留臣營飭令進攻旌太涇縣速解甯

國之圍如浙東情形更急臣亦得以分兵往援
於大局實有裨益

張芾又奏言甯國軍營將弁大半籍隸湖南皆
係已故提督鄧紹良部下習氣甚深臣欲大加
簡汰另募精銳不特費無所出而且難得其人
因思前兵部侍郎曾國藩威望素著紀律嚴明
所部將才輩出可否請

旨飭下該侍郎督辦皖南軍務則以楚人治楚軍相觀而善自必事半功倍況現在皖南之水師提督楊載福道員彭玉麟陸路帶勇道員吳坤修黎獻等皆係曾國藩舊部無不樂爲之用皖北各軍有撫臣胡林翼統領足資控制且胡林翼在北岸曾國藩在南岸聲勢聯絡一氣貫注廓清江介指日可期臣亦得稍效臂指因人成事奏

上命軍機大臣傳諭張芾曰前諭令蕭翰慶所帶之衛
勇義勇仍留楚省爲入皖剿賊之用現在甯國緊急
禦防又以浙東有警多所牽掣淳安竄賊飄忽靡常
自應亟籌掃蕩勿致蔓延所有蕭翰慶一軍著准其
留於張芾軍營卽飭令進攻旌太涇縣速解甯國之
圍以保全皖南大局曾國藩現在安慶勦辦賊匪皖

北情形喫重其所部得力將弁調撥至他省辦理防
剿事務者亦已不少若將會國藩調往皖南恐所統
各軍無人接管所有皖南軍務仍著責成張芾督同
周天受認真辦理相機籌畫以期事權歸一迅掃賊
氛毋庸輕議更張至各營積習務須力爲整頓不得
因難推諉日就廢弛

十五日己酉瑞昌奏言逆匪自鉛山廣豐擊敗後

經我在衢兵勇扼要堵剿卽分股遠竄內有大
股由開化之華埠竄出擾及遂安縣屬之馬金
嶺卽於三月三十日竄入遂安並分股擾及淳
安在東園村一帶焚掠土匪潰勇爲之先導臣
思賊竄嚴邑衢防較鬆所有在衢饒廷選一軍
自足回顧業已檄飭相機防剿已革臬司段光
清沿江而上計程亦早抵嚴亦卽飛飭迎剿並

令調集甯波艇船專堵江路又聞湖北知府蕭
翰慶所帶楚勇二千有奇已抵祁門卽時檄飭
前往遂安攻勦賊背其已革總兵李定太已由
廣德起程回衢臣以淳邑東園有山路可通分
水於潛昌化飭令該鎮折回卽在於昌等處擇
要扼堵並派守備饒經魁等帶兵九百名馳赴
於昌一帶飭歸李定太節制相機防勦又飭守

備布興有管帶礮船由錢江駛入富陽流江灘等處扼要防守旋接探報賊已由這安分水於閏三月初三日竄踞昌化縣城賊匪逼近於潛顯有窺伺省垣之意現在省城防兵不過五千有餘戰守實難深恃總兵張玉良因蘇常告警業已帶隊馳援查該鎮本爲援浙諸軍總統刻下杭州軍情萬緊撫臣王有齡旣未赴任應請

飭令張玉良迅速回浙援應以維大局奏入

上命軍機大臣傳諭瑞昌王有齡曰逆匪由開化進竄
遂安又分擾淳安嚴州防務喫緊旋復竄踞昌化杭
城又形危急本日已諭令張玉良迅速回援王有齡
計已馳抵省垣著卽與瑞昌妥籌布置固結人心示
以鎮定一面嚴密防守一面遴派得力將弁在城外
紮營扼要截擊不得如羅遵殿株守省城致蹈覆轍

瑞昌現調李定太節制各軍該員前次赴援杭州遷延不進並聞所帶兵勇到處騷擾似此庸懦之員恐難勝統率之任現在衢防較鬆張玉良未到以前卽可令饒廷選暫行節制各軍仍嚴飭李定太約束兵勇奮力勦賊儻再觀望不前卽行從嚴叅辦並飭布興有管帶礮船嚴防江路毋許疏懈省中兵勇僅祇五千朕聞鄉勇多有通賊之事此次瑞昌所奏卽有

土匪潰勇爲賊先導等語必須查明各勇如有通賊情事卽正法數人以儆其餘該將軍等奏稱遂安被賊竄入城池是否失陷及昌化失守情形文武各官下落著瑞昌王有齡迅卽查明具奏

上又命軍機大臣傳諭和春張國樑何桂清張玉良曰本日據瑞昌奏逆匪竄踞昌化逼近杭郡自應亟籌防剿杭州甫經收復人心未定存城兵勇不過五千

資形單弱復無得力大員爲之統帶甚屬可虞張玉良因蘇常告警業已馳赴常州現在該處情形稍鬆自應先其所急著和春等卽飭張玉良統帶兵勇迅速折回杭州救援竭力堵禦毋令賊蹤再行闖入復肆蹂躪以保省垣重地前諭和春調鄭魁士由溧水赴常州督兵較爲近捷儻鄭魁士或因老病未能獨當一面著和春體察情形另派得力大員前往節制

諸軍妥爲勦辦何桂清身任總督一切防勦機宜亦可就近調度務須督飭諸軍趕緊將溧水建平東壩等處克復毋令窺伺腹地致滋蔓延以保全東南大局